

ЕСТЕН КЕТПЕС ЕСТІ ӘНДЕР

БИЫЛ КОМПОЗИТОР ЕСКЕНДІР ХАСАНҒАЛИЕВ 80 ЖАСҚА ТОЛАДЫ. ОНЫҢ ҚЫРЫҚ ЖЫЛ БҰРЫН ЖАЗЫЛҒАН ӘНДЕРІ БҰЛ КҮНДЕ ДЕ РУХЫН ЖОҒАЛТҚАН ЕМЕС. СОНДЫҚТАН САН-АЛУАН ТАҚЫРЫПТА ӘН ЖАЗҒАН КОМПОЗИТОРҒА ДЕГЕН ҚАЗАҚ ЖҰРТЫНЫҢ ҚҰРМЕТІ ШЕКСІЗ.



Осы орайда өткен сәрсенбіде аудандық мәдениет үйінде атақты өнші-композитор, Қазақстанның халық әртісі, Мемлекеттік сыйлықтың лауреаты Ескендір Хасанғалиевтің 80 жасқа толуына арналған «Айналым елім» атты өн кеші өтті. Кешті «Шұғыла» мәдениет және демалыс орталығының директоры Айсұлу Мамбетова мен ауданның серісіне айналған Ғабит Қазыбаев жүргізді. Өншінің өнер айдынындағы жетістіктері мен өмір жолынан сыр шертті. Белгілі композиторға арналған кештің шымылдығы бейнесюжетпен түрілді. Айта кетерлігі айтулы кеште аудан өнерпаздары мен Ойыл топырағынан шыққан облысқа таны-

мал өнерпаздарымыз арнайы келіп, өнсүйер қауымға Ескендірдің естен кетпес есті әндерін тарту етті. Кеште шырқалған әрбір өн көрермен жүрегінен жол тауып, көңіл көкжиегінен жадыратты. Көрермендер көп жиналған кеште бір айта кетерлігі өр салада қызмет етіп жүрсе де, өнерді жандарына серік еткен жандардың барлығы дерлік жанды дауыста шырқады. Қоңыр дауыстарымен Бекір Төжібаевтың сөзіне жазылған «Бозторғайым» өнін орындаған Мұқан Сатыбаев, «Асыл арман» өнін шырқаған Жаңылдық Бисенғалиева, «Айналым елім» өнін орындаған Райса Ғаббасова көрермендердің қызу қошеметіне бөленді. Бұл

өңшілеріміз көрермендердің сұрауы бойынша тағы бір өннен шырқап сөздері салмақты, мән-мағыналы ескі әндерге сусаған жұртшылықты бір

серпілтті. Өрине, ескі әндер десек те, ұлтымызға төн стилде жазылған осындай әндер өміршең болып келеді. Сондықтан айтулы кеште сексеннің сеңгіріне келген өнші ағамыздың өзі болмаса да, өнерсүйер қауымның оған деген құрметінің шексіз екендігіне куә болып қайттық. Кеш соңында аудан өкімінің орынбасары Мұратбай Айдарбаев аудан өнерпаздары мен барша мәдениет қызметкерлеріне алғысын білдірді. Сондай-ақ алыстан ат терлетіп арнайы келген Мұқан Сатыбаев, Райса Ғаббасова сынды өнерпаздарға аудан өкімінің алғыс хатын табыстайды.

Муса ӘДІЛБАЙҰЛЫ,
Ойыл селосы.

«ТҰҒЫРЛЫ ЖЕҢІСТІҢ» ТІРЕГІ



Есімізге түсірсек ақшатаулық палуан қыздарымыз Толғанай Мансатова мен Ұлболсын Елубаеваның боз кілемдегі тұғырлы жеңістерімен сүйінші сұрап баспа беттерімен бірнеше рет шығарған едік. Міне қос аруымыздың күрес өнеріндегі жарық жұлдызы қатар жанды. Олай дейтін себебіміз құбырлары жарыса жарыстардан қалмай облыстық, республикалық додаларда топ жарып жүрген қыздарымыз жүлделі орындардан құр

қалған емес. Ешкімге есе жібермеуге тырысты. Талай тер төгіп, үнемі дайындықтарын үзбеді. Бұл жолы Нұр-Сұлтанда өткен белбеу күресінен халықаралық бәсекеде Ұлболсын Елубаева 60 килограмм салмақ дәрежесінде жүлделі екінші орынды жеңіп алды. Ақтық бәсекеде ресейлік палуанмен белдескен Ұлболсын ұпай санымен ұтып тұрған жерінен тез жанығе ұмытылып, асығыс жасаған әдісі нәтижесінде қарсыласына жол беріп қойды. Өрине өтпеген-ай

дегенмен Ұлболсын болашағынан көп үміт күтеміз. Алар асуы өлі алда. Сондықтан оны жүлделі жеңісімен құттықтаймыз. Ал, +60 килограмм салмақ дәрежесінде нәтижелі айла-өдісінің арқасында қарсылас шыдатпаған Толғанай Мансатова жеңімпаз атанды. Ауданның ғана емес Ақтөбе облысының намысын қорғаған қос қызымыздың жеңісі команданың ұпай санын еселеп, команда бойынша ақтөбеліктер III орынға жайғасты.

Күнінде күрес өнерінің жілігін шағып, майын ішкен Мінсізбай Жайлыбаев ағамыз күреске киім бардың бәрін де өрқашан шындаумен болды. Темірдей төртпіппен тынымсыз еңбегінің нәтижесінде спорт шебері атағын алған шәкірттерінің бірі Ардақ Жасақова өлемнің қола жүлдесін жеңіп алды. Шебер жаттықтырушы Мінсізбай ағамыз Ұлболсын мен Толғанайды өлем чемпионы қылуға үмітті. Күрес өнерінің арқасында Қазақстанды толық аралап шыққан қыздарымыздың да бар мақсаты өлемді бағындыру. Олай болса халықаралық дода да қалт етпей күресіп, туған жерге тұғырлы жеңістерімен оралған қос палуан мен шағын ауылдан чемпиондар шығарып жатқан Мінсізбай Жайлыбаевты құттықтап, ұстаз бен шәкірттің алға қойған мақсаттарына жетуге сәттілік тілейміз.

Муса ӘДІЛБАЙҰЛЫ,
Ойыл селосы.

МЕМЛЕКЕТТІК ТІЛ ЕЛ БОЛАШАҒЫ

Тіл тіршіліктің бастауы деп бекер айтылмаған. Себебі, адам баласы ес білген кезінен бастап айналадағы жана ұғымдарды ананың елдінен, бесік жырынан, қоршаған ортасынан еліктеу арқылы үйренеді. Есейе келе кітаптан, қоғамнан, халықтан үйреніп, меңгереді. Осылай ана тіліміз ананың ақ сүтіндей бойымызға сіңе береді. Өркім өзінің ана тіліне деген құрметін ешқашан жоғалтпауы тиіс. Өйткені, ана тілі арқылы ғана маңайдағыны саралап ой түбетін адам өзінің еліне деген сүйіспеншілігін арттыра түседі.

Тіл мемлекеттің тұғырлы тірегі, халықтың өткені мен болашағының айқын көрінісі. Біздің тіліміз ғасырдан-ғасырға келешек ұрпаққа аманат етіліп беріліп отырған баға жетпес байлығымыз. Тіл мен егемендік егіз ұғым. Тілсіз тәуелсіздік, егемендіксіз тіл болмақ емес.

Еліміз тәуелсіздік алғаннан кейін мемлекеттік тіл қазақ тілі болып бекітіліп, Қазақстан Республикасындағы тіл туралы заңы қабылданды. Аталған заңда мемлекеттік тілдің мәртебесін көтеру туралы мәселелер айқын айтылған. Сондықтан барша-мыз келер ұрпаққа мемлекеттік тіліміздің мәртебесін көтере отырып,

мұра ретінде қалдыруға атсалысуымыз қажет.

Әрбір елдің қуатты күші, байлық-бақыты экономикалық, даму деңгейімен ғана емес, рухани өрісімен яғни мемлекеттік тілінің деңгейімен де өлшенетінін ұмытпағанымыз абзал. Мемлекеттік тіліміздің өзгермей мәртебесінің биіктігін сақтай отырып, келер ұрпаққа жеткізіп беруіміз. Осы орайда мемлекеттік тілдің мерейін көтеру бағдарында Ойыл аудандық сотының құзметкерлері бірқатар жұмыстар атқаруда. Атап айтатын болсақ, күнделікті қаралатын қылмыстық, азаматтық, өкімішілік істер қазақ тілінде қаралуда. Сонымен қатар мемлекеттік тілдің мәртебесін көтеру және мемлекеттік тіл ұлт байлығы екендігін түсіндіру және жергілікті мекемелер арасында мемлекеттік тілдің мәртебесін көтеру мақсатында семинар сабақтары жүргізілуде.

Ойыл аудандық сотында іс қағаздарын жүргізу толығымен мемлекеттік тілге көшірілді, және барлық сот құзметкерлері қазақ тілін толығымен меңгерген. Осы атқарылып жатқан шаралардың барлығы мемлекеттік тіліміздің мәртебесінің биік болуына жасалып жатқан қадам

дар.

Тіл қай ұлттың болмасын тарихымен тағдыры, төлім тәрбиесінің негізі. Тіл халықтың жаны. Тіл жойылса, халықта жер бетінен жоғалады. Тіл тасушылайтын байлық, асыл қазына. Тіл тарихы сол тілді жасаған, жасап келе жатқан халықтың өткені, бүгінгі болашағы.

Өз тілін сыйлайтын, өзгеге сыйлашын ел үшін мемлекеттік тіл киелі де қасиетті дүние. Еңдеше, қазақ ұлты тұрғанда, тілін сыйлайтын, оны қастерлейтін басшысы тұрғанда, қазақ тілінің мәртебесі ешқашан төмендемейді.

Ұлтқа тілінен қымбат нәрсе болмас, бір ұлттың тілінде сол ұлттың сыры, тарихы, тұрмыс тіршілігі мінезі айқын көрініп тұрады деген нақыл сөз баршаымыздың жадымызда болуы тиіс. Тіл байлығы әрбір ұлттың мақтанышы. Әр азамат өзінің ана тілін, көзінің қарашығындай қарауы және ана тілінің орынсыз шұбарлануына қарсы туған кезде ғана тіліміздің деңгейі белестерге жете берері анық.

Ж.МАЙЖАНОВ,
Ойыл аудандық сотының
аға сот приставы.

Коронавирус тұрапы әр ақам біпузе тиіс негізгі мәнімем

А БАЙЛ АҢЫЗ КОРОНАВИРУС!

Коронавирус инфекциясы деген не?

- коронавирус — вирус инфекциясының 2019-nCoV деп аталатын жаңа типі;
- жоғары тынысалу жолдарының жеңіл немесе орташа ауруына, өкпенің қабынуына, өлім-жітімге себеп болуы мүмкін;
- 2019 жылы Қытайдың Ухань провинциясында анықталды;
- вирус басқа елдерге сапарға

- бас ауруы;
- жөтел;
- тамақ ауруы;
- әлсіздік;
- іш өту.

** иммунитет әлсіз әрі нашарлаған адамдар, сөбилер мен қарттар вирусты тез жұқтыруы мүмкін.*
Инкубация кезеңі — 2 күннен 14 күнге дейінгі аралық.
Диагностика
Қазіргі уақытта Қазақстанда 2

жеке байланыс, (жанасу, қол алысу, залалды объектіде болу немесе бетті тигізу)
Вирус өзі ағзадан тыс ұзақ өмір сүре алмайды және бірнеше күн ішінде жойылып кетеді.

Профилактика шаралары:
— қол және тынысалу жолдарының гигиенасын сақтау, қолды 20 секунд бойы мұқият жуу, мұрынды изотон ерітіндімен жуу;
— иммунитетті арттыру: дұрыс



шыққан адамдармен бірге таралады;
• коронавирус өте жылдам тарайды;

- коронавирусты жұқтырған-дар мен вирустан қайтыс болған-дардың басым бөлігі Қытайда тіркел-ген;
- Хубэй провинциясының 15 қаласында карантин жарияланып, тұрғындарға қаладан шығуға тыйым салынған;
- індет ошағына автобус пен пойыздардың қозғалысы, ұшақ рейстері тоқтатылды;
- Коронавирус белгілері:*
 - дене қызуының көтерілуі;
 - тұмау;

сағаттың ішінде нәтиже беретін жаңа тест жүйелері қолданысқа енді. Ол үшін:
• қан анализін;
• несеп анализін;
• лаборатория зерттеулерін;
• ПТР-ды (полимераз тізбек реакциясы) тапсыру қажет.
Коронавирусқа арнайы диагнос-тика тек медициналық көрсеткіштер бойынша жүргізіледі.
Инфекцияның берілу жолдары:
• көп жағдайда ауру адам жөтел-генде немесе түшкіргенде ауа там-шылары арқылы тарайды;
• тұрмыстық байланыс арқылы:

ұйықтау, дұрыс тамақтану, спортпен айналысу;

- белмені желдету;
- жиі қолданылатын заттарды залалсыздандыру құралдарымен сұрту;
- қатарал құбылыстары бар тұлғалармен қарым-қатынас жаса-мау;
- коронавирус жағдайы тіркелген, қауіпті аймақтарға сапарға шықпау;
- адам көп жиналған жерлерден алшақ болу.

Дәрігер эпидемиолог:
Ж.Молдашқалиқызы

ӘДЕП - ӘДЕТКЕ АЙНАЛУЫ ТИІС

және реттеу жөніндегі шараларды қабылдауға;

- егер мүдделер қақтығысы болған жағдайда лауазымдық міндеттерін орындамауға;
- қызметтік функцияны атқаруға қатысты тиімді, нәтижелі, ашықтық тәсілдерді іздеуге және пайдалануға;
- Қазақстан Республикасының мемлекеттік рәміздеріне құрметпен қараудың үлгісі болуға;
- өзіне бағынысты мемлекеттік қызметшілерден лауазымдық өкілеттіктері шеңберінен шығатын тапсырмаларды орындауды талап етпеуге;
- қызметтік өкілеттігін пайдалана отырып өзіне және отбасы мүшелеріне игіліктер және артықшылықтар алмауға;
- лауазымдық міндеттерін пайдаланудың өзге де жеке мүдделері үшін пайдаланбауға;
- пара немесе параға жақын құқық бұзушылыққа жататын құқық бұзушылықтарды жасамауға;
- қызметте жалпы қамқорлық немесе қызмет бабында кетушілікке жол бермеуге;
- мемлекеттік қызметке кіру және мемлекеттік қызмет бабында ілгерілету кезінде заңда көзделмеген артықшылықтар бермеуге;
- шешімдерді дайындау мен қабылдау кезінде жеке және (немесе) заңды тұлғаларға құқыққа сыйымсыз қолдау көрсетпеуге;
- қызметтік тәртіпті сақтауға, басшылардың бұйрықтары мен өкімдерін уақытылы орындауға;
- қызметтік ақпаратты жарияламауға, оның ішінде әдеуметтік желілер арқылы;
- Қазақстанда тұратын барлық ұлттың салт-дәстүрлерін, ғұрыптарын және тілдерін құрметтеуге;
- өз өкілеттігін атқара отырып жеке және заңды тұлғалардың қызметтерін жеке мүддесі үшін пайдаланбауға;
- өріптестерімен және азаматтармен іскерлік әдепті және ресми мінез- құлық қағидаларын сақтауға;
- қызметтен тыс уақыттағы мінез- құлық стандарттарын сақтауға, қоғамға жат мінез-құлық жағдайларына жол бермеуге;
- өріптестеріне өз діни көзқарасын ашық көрсетпеуге, бағынысты қызметшілерді қоғамдық және діни бірлестіктердің, басқа да коммерциялық емес ұйымдардың қызметіне қатысуға мәжбүрлемеуге;
- сырт келбеті іскерлікпен, ұстамдылықпен және ұқыптылықпен ерекшеленуге;
- сыбайлас жемқорлық көріністерін жасады деп көпшілік алдында негізсіз айып тағылған жағдайда оны теріске шығару жөнінде шаралар қолдануға;
- көпшілік алдында сөйлеумен

байланысты мінез-құлық стандарттарын сақтауға;

- мемлекеттік қызметтің беделіне нұқсан келтірмей, пікір-сайысты сыпайы нысанда жүргізуі тиіс.

Сонымен қатар мемлекеттік қызметтің өзіндік ерекшелігі мемлекеттік қызметшілердің сыртқы келбетіне ерекше талап қояды. Мемлекеттік қызметшілердің сырт келбеті, яғни киім киісі олардың қызметтік міндеттерін орындау кезінде мемлекеттік аппараттың беделін нығайтуға ықпал етуге, іскерлікпен, ұстамдылықпен және жауаптылықпен ерекшеленетін жалпы қабылданған іскерлік стиль талаптарына сай болғаны дұрыс.

Мемлекеттік қызметшілер қызметтен тыс кездің өзінде көңіл көтеретін орындарда және шетелдегі демалыс орындарында, қымбат тұратын зергерлік бұйымдарды және басқа өдемілік заттарды демонстрация жасау арқылы қымбат автомобильдердің және интерьердің аясындағы суреттері мен бейне жазбаларын өлеуметтік медиаларды (яғни өлеуметтік желілер, блог-платформалар, форумдар, бейнехостингтер, мобильдік мессенджерлер және т.б.) пайдалану барысында оларға орналастырудан тартынуы қажет.

Жұмыс бабынан басқа мақсаттарға мансабын, қызмет орны мен көлігін, құралдары мен мемлекеттік жабдықтарын қолдануға қатыстырмағаны лазым.

Қызметтік әдеп нормаларын сақтауда талас туындаған жағдайда мемлекеттік органның әдеп жөніндегі уәкіліне немесе оның аумақтық қырылымдарына шағымдануға болады. Қолданыстағы қызметтік әдеп нормаларын сақтамау сыбайлас жемқорлыққа, әр түрлі құқық бұзушылықтар мен теріс пайдаланушылыққа жағдай туғызады, сондай-ақ төртпіткіш шара қолдануға алып келеді. Сондықтанда мемлекеттік қызметшіге жағылған күйе, жасалған жат қылықтар атқарушы биліктің беделіне, жалпы қоғамға нұқсан келтіреді.

Осы себептен мемлекеттік қызмет атқару қоғам мен мемлекет тарапынан ерекше сенім білдіру болып табылатындығын және мемлекеттік қызметшілердің моральдық-әдептілік бейнесіне жоғары талаптар қойылатындығын, мемлекеттік қызметтің оң имиджін қалыптастыру үшін олар өздерінің іс-әрекетімен және мінез-құлқымен қоғам тарапынан айтылатын сыңға себепкер болмауы тиіс екендігін әрбір мемлекеттік қызметшімен қатар қарапайым халықтың да білгені жөн.

Б.ӘДІЛХАНОВ,
Ойыл аудандық қаржы
бөлімінің басшысы.

«ХАЛЫҚ ЗАҢГЕРІ» НАУҚАНЫ



Өткен бейсенбіде Қазақстанның барлық аймақтарында «Халық заңгері» атты жалпы ұлттық науқан өтті. Ондағы басты мақсат осыаталған науқан арқылы – халықтың құқықтық сауатын арттыру. Осы орайда біздің ауданда да, яғни «Шұғыла» мәдениет және демалыс орталығында өткен «Халық заңгері» атты жалпы ұлттық науқанға аудан әкімі Асқар Қайырғалиұлы, аудандық сот Сәуле Танимова, прокурор Әділбек Балғазин, аудандық полиция бастығы Серік Берекенов және жергілікті атқарушы органдардың өкілдері мен мемлекеттік органдардың басшылары қатынасты. Қабылдауға келген тұрғындар сауалына заң тәңірегінде жауап берілді. Сондай-ақ азаматтарға заңгерлік қажетті кеңестер берілді.

НОРМАТИВТІК ҚҰҚЫҚТЫҚ АКТІЛЕРДІҢ ЖОБАЛАРЫНА СЫБАЙЛАС ЖЕМҚОРЛЫҚҚА ҚАРСЫ ҒЫЛЫМИ САРАПТАМА

«Қазақстан Республикасының кейбір заңнамалық актілеріне мемлекеттік қызмет және сыбайлас жемқорлыққа қарсы іс-қимыл мәселелері бойынша өзгерістер мен толықтырулар енгізу туралы» Қазақстан Республикасының 2019 жылғы 26 қарашадағы Заңымен Қазақстан Республикасының «Құқықтық актілер туралы» 2016 жылғы 6 сәуірдегі Заңы 33-1 бапмен толықтырылды. Яғни, Нормативтік құқықтық актілердің жобаларына сыбайлас жемқорлыққа қарсы ғылыми сараптама бабы қосылды.

2020 жылдан бастап нормативтік құқықтық актілердің жобаларына сыбайлас жемқорлыққа қарсы ғылыми сараптама жасалатын болады. Аталған сараптаманың мақсаты сыбайлас жемқорлық нормаларын анықтау, сондай-ақ оларды жоюға бағытталған ұсынымдар өзірлеу болып табылады. Қазақстан Республикасы Парламентінің қарауына енгізілетін заңнамалық актілердің

жобаларынан басқа, Қазақстан Республикасы Парламентінің және оның Палаталарының нормативтік қаулыларын, Қазақстан Республикасы Президентінің нормативтік құқықтық жарлықтарын, Қазақстан Республикасының Конституциялық Кеңесі мен Жоғарғы Сотының нормативтік қаулыларын, сондай-ақ Қазақстан Республикасы Президентінің Әкімшілігімен келісу бойынша Қазақстан Республикасының Үкіметі айқындайтын нормативтік құқықтық актілерді қоспағанда, өзге нормативтік құқықтық актілердің жобалары да міндетті тәртіппен сыбайлас жемқорлыққа қарсы ғылыми сараптама жасауға жатады. Нормативтік құқықтық актілердің жобаларына сыбайлас жемқорлыққа қарсы ғылыми сараптама Қазақстан Республикасының Үкіметі айқындайтын тәртіппен және мерзімдерде жүргізіледі.

С.А. МАХАНОВА,

Ойыл ауданаралық әділет басқармасының басшысы.

ТАУАРЛАРДЫ ЭЛЕКТРОНДЫҚ САУДАМЕН ЖҮЗЕГЕ АСЫРУ

Салық салу мақсаттары үшін Салық кодексінде тауарлардағы электрондық сауда тұжырымдамасы айқындалған.

Тауарлармен электрондық сауда – бір мезгілде мынадай шарттар сақталған кезде:

- тауарларды өткізу жөніндегі мәмілелерді ресімдеу электрондық нысанда жүзеге асырылса;
- тауарлар үшін ақы төлеу қолма-қол емес төлеммен жүргізілсе;
- тауарларды сатып алушыға (алушыға) жеткізілетін өз қызметі болса не жүктерді тасымалдау бойынша көрсетілетін қызметтерді, курьерлік және (немесе) пошталық қызметті жүзеге асыратын тұлғалармен шарттар болса, интернет-дүкен және

(немесе) интернет-алаң арқылы ақпараттық технологиялар көмегімен жүзеге асырылатын, жеке тұлғаларға тауарларды өткізу жөніндегі кәсіпкерлік қызмет.

Сонымен бірге тауарлармен электрондық сауданы жүзеге асыратын салық төлеушілер жекелеген қызмет түрлерін жүзеге асыратын салық төлеуші ретінде тіркеу есебіне қоюға жатады.

Хабарламаны бекіту және оны Қазақстан Республикасының Әділет министрлігінде тіркегеннен кейін тұрғылықты жері бойынша (ЖТ) немесе тіркеу орны бойынша (ЗТ) хабарландыруды мемлекеттік кірістер басқармасында қағаз жүзінде алуға болады.

Ойыл ауданы бойынша кірістер басқармасы

ӨСІМДІКТЕР КАРАНТИНІ САЛАСЫНДАҒЫ МЕМЛЕКЕТТІК КӨРСЕТІЛЕТІН ҚЫЗМЕТТЕР

Қазақстан Республикасы ауыл шаруашылығы министрлігі агроөнеркәсіп кешеніндегі мемлекеттік инспекция комитетінің Ойыл аудандық аумақтық инспекциясы ММ «Карантинге жатқызылған өнімді Қазақстан Республикасының аумағында тасуға карантиндік сертификат беру» және «Карантинге жатқызылған өнімді Қазақстан Республикасынан тыс жерлерге өкетеуге фитосанитариялық сертификат беру» мемлекеттік қызмет көрсетеді.

«Өсімдіктер карантині саласындағы мемлекеттік көрсетілетін қызметтер регламенттерін бекіту туралы» ҚР АШМ 2015 жылғы 29 мамырдағы № 4-4/500 бұйрығына 1-қосымшасы бойынша «Карантинге жатқызылған өнімнің ҚР-ның аумағында орын ауыстыруға карантиндік сертификат» және «Карантинге жатқызылған өнімнің ҚР-нан тыс жерлерге өкетеуге фитосанитариялық сертификат беру» мемлекеттік қызметтерді көрсету қағаз және электрондық форматта жүргізілетінін хабарлаймыз.

Мемлекеттік көрсетілетін қызметті Министрліктің Агрөнеркәсіптік кешендегі мемлекеттік инспекция комитетінің аумақтық инспекциялары, оның ішінде «электрондық үкіметтің» www.e.gov.kz және www.elicense.kz веб-порталы арқылы жүзеге асырылады.

Мемлекеттік қызмет көрсету мерзімдері карантиндік сертификат алуға порталға жүгінген кезде – 3(үш) жұмыс күн, фитосанитариялық сертификат алуға порталға жүгінген кезде – 5(бес) жұмыс күн және мемлекеттік қызмет жеке және заңды тұлғаларға тегін көрсетіледі.

Қажетті құжаттар:

- 1)осы мемлекеттік көрсетілетін қызмет стандартына қосымшаға сәйкес нысан бойынша өтінім;
- 2)жеке тұлға үшін-жеке басын

куәландыратын құжат;

Зимпорттаушы елдің өсімдіктер карантині жөніндегі ұлттық қызметтің өсімдіктер саласындағы талаптары.

Порталда: осы мемлекеттік қызмет көрсету стандартына қосымшаға сәйкес, электрондық құжат нысанындағы өтінім, жеке тұлғаның жеке басын куәландыратын құжат туралы, заңды тұлғаны мемлекеттік тіркеу(қайта тіркеу) туралы, жеке кәсіпкер ретінде мемлекеттік тіркеу туралы, импорттаушы елдің өсімдіктер карантині жөніндегі ұлттық қызметтің өсімдіктер карантині саласындағы талаптары.

Ойыл ауданы бойынша мемлекеттік қызмет көрсету орнының мекен-жайы: «ҚР АШМ АӨК МИК Ойыл аудандық аумақтық инспекциясы» ММ Ойыл ауданы, Жолмырзаев көшесі № 19, электрондық адресі: abdullin.b@minagri.gov.kz тел.8(71332)2-18-21.

Аудан тұрғындарына аудан орталығына карантинге жатқызылған өнімді карантиндік сертификатсыз облысаралық тасымалдауды жүзеге асырса немесе экспорттаушы елдің ұлттық карантиндік қызметінің фитосанитариялық сертификатсызсыз, карантинге жатқызылған, фитосанитариялық төуекелі жоғары өнім партиясын ҚР-ның аумағына әкеліп сатса 2014 жылғы 5 шілдедегі № 235-V ӘҚБЖ 400 бабы 2 және 16 тармақшасы бойынша жеке тұлғаларға - 20, лауазымды адамдарға,шағын кәсіпкерлік субъектілеріне - 30, орта кәсіпкерлік субъектілеріне - 40, ірі кәсіпкерлік субъектілеріне - 100 айлық есептік көрсеткіш мөлшерінде айыппұл салынатындығын ескертеміз.

Б.ТӨЛЕПОВА,

Ойыл аудандық аумақтық инспекциясының өсімдік қорғау жөніндегі бас маманы.

ӨЗІН-ӨЗІ ТАҢУ-АДАМГЕРШІЛІК ҚҰНДЫЛЫҚТАРДЫҢ НЕГІЗІ

Қазіргі кезде өсіп келе жатқан ұрпақты тәрбиелеуде қойылатын мақсаттардың бірі қоғамға пайдалы, үлкенге құрмет көрсетіп, кішіге қамқор бола алатын, жан-жақты дамыған, ескеден жас ұрпаққа рухани-адамгершілік тәрбие беру. Осыған орай «Өзін-өзі тану» авторлық бағдарламасының оқу-тәрбие үрдісіне енгізілуі өте жақсы бастама болды. Бұл пәннің мақсаты-адамның қоршаған ортаны танып, өзінің ішкі жандүниесіне үңіліп, өзін-өзі тану негізінде, адамгершілік-рухани әлеуетін көтеру, баланың өзіндік менін қалыптастыру болып табылады.

Өзін-өзі тану пәнінің өр тарауы, өр тақырыбы болашақ ұрпақтың бойына рухани-адамгершілік қайнарын сіңіріп, мінез-құлқын тәрбиелеп, Ақиқат, Дұрыс әрекет, Тыныштық, Сүйіспеншілік, Қиянат жасамау сияқты адамгершілік құндылықтарды ғұмыр бойы басшылыққа алатын тұлға қалыптастыруға негізделген. Мысалы жағымды күйге келу – ең тиімді әдіс болып табылады. Бұл жарыққа концентрация жасау. Бастапқыда қарапайым формаларды қолданған жөн. Денені бірсаң күйге келтіру немесе жоғарда табиғаттың әдемі суреттерін елестету.

Оқиғалар(өңгіме,өсиетнама т.б)-оқиға белгілі құндылықты көрсетуі тиіс. Өңгіме-оқытудың диалогтік әдісі, мұнда мұғалім жете ойластырылған сұрақтар жүйесінің қойылуы жолымен оқушылардың жаңа материалды түсінуіне ықпал етеді немесе өткенді меңгеруін текереді.

Сабәк жоспарына күрделі емес, бірақ терең мағыналы дөйексөздер немесе мақал-мәтелдерді оқулықтан енгізу қажет, бірақ бұлар оқулықта бір сабақ үшін түп көп ұсынылған. Мұғалім осылардың ішінен сабақ тақырыбына неғұрлым сай келетінін таңдау керек. Бұл дөйекөз қысқа болуы мүмкін, бірақ сабақта өтетін басты құндылықтың мәнін нақты өрі терең білдіретін болуы тиіс. Кейде мұғалім шығармашылықпен өзінің түйсінуі бойынша сабаққа келетін өз дөйекөзін таңдауы мүмкін.

Өн және музыка-өнде оқиғада көрсетілген құндылық бейнеленуі тиіс.

Топтық іс-әрекет- бұл барлық топ жасайтын барлық оқушы кезекпен сурет салуға қатысатынын ойын немесе балалардың көз алдында өздері үйренген құндылықтарды арттыратын және жалпы динамизмін көтермелейтін іс-әрекеттің кез-келген басқа түрі болуы мүмкін.

Үй жұмысы-үйде және мектепте апта бойы оқушылар орындайтын, осы кезеңде оқытылған құндылыққа қатысы бар қарапайым тапсырма. Сыныпта өткен аптаның нәтижелері туралы айтып, оқушыларды мадақтау керек. Оқушылардың шеңбер бұрып отыруы тиімді. Олардың құл-өлем туралы сүйіспеншілікпен ойлап және осы ойларын өлемдегі тыныштық үшін айналасына таратуды өтіну керек.

Осындай өзіндік ерекшелігімен даралана алатын өзін-өзі тану пәні кейбір өріптестеріміз үшін ең оңай, кез-келген мұғалім бере алатын жеңіл пен ретінде қалыптасып қалған. Өр пәннің өз ерекшелігі, сыры пен құпиясы болатын сияқты бұл пәннің де өзіндік әдіс- тәсілі бар. Өте шығармашыл, терең ойлай білетін, оқушының түйсігін қозғай білетін ұстаздар ғана бере алатын пән екені уақыт өте келе мойындалып келеді.

Рухани-адамгершілік білім-ол тек оқушының өзгеруі емес, ең алдымен мұғалімнің өзгеруі. Өйткені бұл құндылықтарды оқулықтан алу, тіпті жақсы дәрісті оқып алу арқылы түсіну мүмкін емес, оның барлығы өмірлік тәжірибеден алынады. Сондықтанда мысалы, мұғалім салауатты өмір салты туралы қаншалықты өдемі айта білсе де,егер өзі салауаттылықты ұстанбаса оның басқаны үйреткенінен не пайда? Мұғалім тұлғасы оқыту үрдісінен де маңызды, өйткені рухани-адамгершілік білім-оқушының ішкі жан дүниесін ашуға мүмкіндік беретін жанды білім.

Білім алу-өмір сүру үшін ақша табу емес, білім алу дұрыс өмір сүру үшін керек. Оқыту үрдісінде бала тұлғасын тек физиологиялық және интеллектуалдық жағынан ғана дамытып қоймай, ең алдымен бала тұлғасының ең жоғары адамгершілік рухани табиғатын ашу.

Қоғамға ой-өрісі кең,рияыз қызмет етуге дайын ашық жүректі адал адамдар ауадай қажет. Осы айтылғандарды қорытындылай келе «Өзін-өзі тану» рухани-адамгершілік тәрбие беру пәнін болашақта барлық білім беру салаларының негізі бола алады деген сенімдеміз. Ал рухани-адамгершілік тәрбиені басқа пәндермен ықпалдастыру өр ұстаздың ұстаздық парызы деп түсінген жөн.

Э.ҚАЛТЫҒҮЛОВА,

Құрман орта мектебінің әлеуметтік педагог және өзін-өзі тану мұғалімі.

ЖЫЛУ БЕРУ МАУСЫМЫНДАҒЫ ӨРТ КАУПІСІЗДІГІ

Жылу беру маусымында да өрт оқиғасымен өртен тараған көмір қышқыл газының улы екендігі айтылып, жазылғанымен өліде болса немқұрайлықпен қараудамыз.

Сондықтанда аудан тұрғындарының назарына жылу беру маусымында орындалуы тиіс талаптарын ұсынамыз:

1. Жылу беру маусымында пештер мен түтіндіктерді күйеден тазарту керек, жылу пештері үш айда бір рет, үздіксіз қозғалыстағы ошақ пен пештер екі айда бір рет, үздіксіз жағылатын ас үй плиталары мен басқа пештер айына бір рет тазартылуы тиіс.

2. Қатты отынмен жұмыс істейтін пештерінде алдына 0,5 х 0,7 м кем болмайтын өлшемдегі металл табакан қорғалған болуы тиіс.

3. Тұрғын үйлеріңізде бір өрт сәндіргіштермен қамтамасыз етулеріңізді сұраймыз, бұл өрт оқиғасы болған кезде тез әрекет етіп өртті сәндіруге көмегің береді, сонымен бірге өзіңнің және туыстарыңның қауіпсіздігі үшін тұрғын үйлеріңізде тұнықтығырғаш және табиғи газдың шығуын анықтайтын датчиктерді орнату қажет. Сонымен қатар тұнықтығырғаш газ немесе көміртек тотығы газын ұмыптағанымыз жөн. Тұнықтығырғаш газ (СО) дегеніміз – дәмі мен иісі жоқ түссіз газ, құрамында көміртегі бар кез келген отын, бензин, солярка, мазут, табиғи газ, көмір, ағаш отынының толық жанбауының өнімі болып табылады.

Тұнықтығырғаш газымен ұланудың көп таралған себептері:

- Жылыту пешінің пайдалану ережелерінің бузылуы (уақытылы саңылауларды жаппау, таза ауаның жеткіліксіздігі, нашар тартуы).

- Пешпен түтін шығу жолдарының ақаулы жұмыс жасауы (пеш құрылғысындағы жарықтар, түтін шығу жолдарының бітелуі).

- Адамның өрт ошағында болуы.

- Ауа алмасуы нашар таражда немесе бөлмеде автокөлікте техникалық қызмет көрсету.

- Қозғалтқышы қосылған күйдегі автокөлікте ұйықтау.

А.ТАРЫБАЙ,

Ойыл ауданының төтенше жағдайлар бөлімінің аға инженері азаматтық қорғау аға лейтенанты.

КӨКТАЙҒАҚ КЕЗІНДЕ ЖАРАҚАТТАНУДЫҢ АЛДЫН АЛУ

Қыста қар жауып, оның арты көктайғаққа ұласып жатады. Осындай кездері жаяу жүргіншілердің де, автомобиль жүргізушілердің де, жарақат алу қаупі артады. Сондықтан өртүрлі дене жарақатын алмас үшін аса сақтықпен жүрген дұрыс.

Жүргенде өр қадамыңызды нық басып, асықпай жүріңіз. Асыққан кезде қауіп күшейеді: адам тайып құлауы, сүрініп кетуі өбден мүмкін. Қолыңызда зат болмағаны жақсы. Қарт адамдар басында резеңкесі бар таяқ ұстағаны абзал.

Мұзда тайып құламау үшін әуелі биік өкшелі аяқ киім емес, ыңғайлысын киіңіз.

Мұндай күндері табаны жұмсақ, таймайтын аяқ киім кигеніңіз дұрыс. Егер аяғыңыз тайып кетсе, тізені бүгіп, жүрелей қалу қажет. Құлап бара жатқанда домалап, жерге жұмсақ түсуге тырысыңыз.

Құлаған соң тез тұруға асықпаңыз, ешқандай жарақаттың жоғына көз жеткізіңіз.

Тұра алмай қалған немесе жарақат алған жағдайда айналаңыздан көмек сұраңыз.

Көктайғақ кезінде арқамен, шалқасынан құлау – өте қауіпті. Бұл мидың шайқалуына, бастың ауыр жарақат алуына әкеліп соғуы мүмкін. Жарақат алған жағдайда дереу дәрігерге көтеріңіз. Көктайғақ кезінде жүріп келе жатқан көлікке жақын-дамаңыз. Бұл өте маңызды. Сонымен бірге аялдама, баспаңдақ, табал-дырық адамдардың ең көп құлайтын жері екенін ескеріңіз. Баспаңдақпен жүргенде кезінеңізді қолданыңыз. Көктайғақ кезінде егде жастағы тұрғындар көп жарақат алып жатады. Сондықтан олар тайғақ кезде сыртқа шығуды шектегені дұрыс. Үлкен кісілер басында резеңкесі бар таяқпен жүруі немесе айналасын дағы адамдардың көмегіне жүгінуі қажет. Әдетте адам аяғы мұзға тайған кезде үш түрлі құлайды: артқа, алдыға және жанына қарай. Артқа және алдыға қарай құлаған кезде қолды жерге тіреуге мүлдем болмайды. Себебі, мұндайда қол сынып кетуі

мүмкін. Ал басқа сүйектерге қарағанда қол сүйегінің қайта қалыңқа келуі ұзаққа созылады. Сондай-ақ, адам артқа және екі шетіне қарай құлаған кезде мүмкіндігіңізе басын кеудесіне қарай иію керек. Осылайша ол бас-ми жарақатының алдын алады. Тайып құлаған кезде барлаңшы отырып қалуға тырысу керек. Мұнымен қатар, алға қарай құлаған кезде қолдың ішкі бөлігін, яғни білектен жоғары және шынтақтан төмен ішкі бөлікті ғана тіреуіш ретінде пайда-лануға болады. Жазатайым, көктай-ғақ салдарынан сүйек сынған кезде алғашқы медициналық көмек көрсету-түңді негізгі үш әдісті орындау қажет. Біріншіден, тыныштығын қамтамасыз ету, яғни иммобилизация болып табылады, сол үшін табельдік шина қолданылады немесе қолда бар заттар: таяқ, тактай т.б. заттар қолданылады. Тыныштық болу үшін шина болса, аяқ-қолдың бас жағын денеге таңып, қолтықтың астына мақтаңың тығыз түйгенін қоя отыра таңады (қолды тігінен бүгеді) немесе байламға, белбеуге іліп қояды.

Аяқты оқшауландыру үшін оны сау аяққа байлайды. Шинаны (немесе қолда бар затты) сынықтың екі жағының да қозғалысын болдырмайтынды етіп (сынықтың үстіңгі және астыңғы жағы) қою қажет. Сүйектің шығыңқы жерінде шинаның астына жұмсақ мақта немесе жайлы мата қояды.

Шинаны (қолда бар материалды) мақтамен жауып, дөкімен орайды (матамен, киім кесіндісіндей), бұлай ету сынан жердің қатты қысылмауы үшін жасалады, содан соң оны қайтадан зақымдалған аяққа орайды. Қандай да бір қосалқы материал жоқ кезде иммобилизацияны зақымданған аяқ-қолды дененің ас мүшелеріне: қолды денеге төменгі жақты сау аяққа байлау арқылы жүргізген дұрыс. Содан соң, тез арада жергілікті аурухананың дәрігер көмегіне жүгінуіңіз қажет немесе 103 номерге хабарласып,жедел жәрдем шақыртуыңызға болады.

Д.САЛИН,

Дәрігер-травматолог.



Ойыл селосының тұрғыны
Бақтығали Бектұрғанов!
ҚҰРМЕТТІ БАҚТЫҒАЛИ ҚОЗЫБАЙҰЛЫ!

Адам боп жаралған соң оның өмір соқпағында еткен еңбек, көрген бейнет, татқан зейнет, жеткен биіктігімен өркімің өзіне тән ғұмыр жолы қалыптасады. Ол - адамдық қасиет, кісілік келбет, азаматтық тұлға, яғни Абайша айтсақ «көміл адам» келбеті.

70 - ке толған мерейлі шағыңызда ғибратлы биіктігіне шығарған абырой мен атақ та, мәртебе мен мансап та Сіздің адами болмысыңыздың ажырамас бөлігіне айналды. Өйткені, Сіз, өзіңіздің саналы ғұмырыңызды сол биіктіктерді бағындыру үшін арнадыңыз. Ұстаздық етумен бастаған еңбек жолыңыз ұлағатқа толы, тағылымының қайнарындай қанша шәкірттерді сусындытты. Олардың ішінен ғалым да, дана да, дара да, қоғам қайраткері де, ақыры соңы ұжданы биік азамат та қалыптасып шықты. Еліміздің білім беру саласын жетілдіруде өзіңіздің іскерлік қасиетіңізді, өмірлік тәжірибеніңізді сарқа жұмсап, ұрпақ тәрбиесі мен кемел келешек үшін өлшеусіз зор үлес қостыңыз. Зейнеткерлік жасқа жеткеніңізге қарамастан Сізді қоғам қажет етіп, білім қызметкерлерінің аудандық кәсіподақ комитетінің төрағасы болып 20 жылдай қызмет еттіңіз.

Еңбегіңіз елелнді... Ескерусіз қалмады... Марапат пен мадаққа ие болдыңыз! Екі мәрте Елбасы Нұрсұлтан Әбішұлы Назарбаевтың «Алғыс хатымен» марапатталып, «Білім және ғылым қызметкерлерінің кәсіподағына сіңірген еңбегі үшін», «Сала қызметкерлері кәсіподағына сіңірген айрықша еңбегі үшін» төсбелгілерінің иегері атандыңыз.

Ардақты жарыңыз- Ғалия апай екеуіңіз бақуатты ғұмыр кешіп, өткен күнге сауға айтып, келер күнді қуанышпен қарсы алып, шат- шадыман жүре беріңіз!

Сізге, зор денсаулық, қажымас қайрат, баянды ғұмыр тілейміз!
Иәі тілекпен: А.Қазыбаев, А.Кенжебаев, М.Айдарбаев, А.Сәрсенбаев, М.Керей, С.Меруенов, Г.Исбағамбетова және мектеп директорлары, бастауыш кәсіподақ ұйымының төрағалары.

ХАБАРЛАНДЫРУ

Құрметті Ойыл ауыпының тұрғындары!

2020 жылдың 11 наурыз күні сағат 15⁰⁰ –де «Ақтөбе облысы Ойыл ауданы Ойыл ауылдық округі әкімінің аппараты» мемлекеттік мекемесінің Ойыл ауылы Көкжар көшесі №69 мекен жайындағы кеңсе ғимаратында Ойыл ауылдық округі бойынша жергілікті қоғамдастық жиыны өтеді.

Күн тәртібіндегі мәселе:

Қазақстан Республикасы Үкіметінің 24 ақпандағы 2014 жылғы № 138 «Әкімшілік – аумақтық бірліктерге, елді мекендердің құрамдас бөліктеріне атау беру, оларды қайта атау, сондай-ақ олардың атауларының транскрипциясын нақтылау мен мен өзгерту кезінде тиісті аумақ халқының пікірін ескеру қағидасын» және «Қазақстан Республикасының әкімшілік-аумақтық құрылыс туралы» Қазақстан Республикасының 1993 жылғы 8 желтоқсандағы Заңына, Қазақстан Республикасының «Жергілікті мемлекеттік және өзін-өзі басқару туралы» заңдарына сүйене отырып **Ойыл ауылының атаусыз көшелеріне атау беру туралы қоғамдық тыңдалым өтеді.**

«Ойыл ауылдық округі әкімінің аппараты» ММ

САЛЫҚ ТӨЛЕУШІЛЕР НАЗАРЫНА!

Нотариаттық әрекеттер жасаған кезде мемлекеттік баж төлеуден босату.

Нотариаттық әрекеттер жасаған кезде мемлекеттік баж төлеуден мыналар босатылады:

1) жеке тұлғалар - өздерінің мүлкіті мемлекет пайдасына сыйға тарту өсиеттерін, шарттарын куәландырағаны үшін;

2) мемлекеттік мекемелер - оларға мемлекеттің мұраға құқығы туралы куәліктерді (куәліктердің телнұсқаларын) бергені үшін, сондай-ақ осы куәліктерді (куәліктердің телнұсқаларын) алу үшін қажетті барлық құжаттар үшін;

3) жеке тұлғалар - оларға:

Қазақстан Республикасы қорғау кезінде, өзге де мемлекеттік немесе қоғамдық міндеттерді орындауға байланысты не адам өмірін құтқарып қалу, мемлекеттік меншікті және құқықтық тәртіпті қорғау жөніндегі Қазақстан Республикасы азаматының борышын орындауға байланысты қаза тапқан адамдардың мүлкіне; егер мұрагер мұра қалдырушы қайтыс болған күнге мұра қалдырушымен кемінде үш жыл тұрған болса және ол қайтыс болғаннан кейін де осы тұрғынжайда тұрып жатса, тұрғынжайға немесе тұрғын үй-құрылыс кооперативіндегі пайға;

сақтандыру шарттары бойынша сақтандыру төлемдеріне, мемлекеттік қарыз облигацияларына, еңбекке ақы төлеу сомаларына, авторлық құқықтарға, авторлық гонорар және ашқан жаңалықтар, өнертабыстар мен өнеркәсіптік үлгілер үшін сыйақы сомаларына;